


廣昌縣志



廣昌縣誌序



粵稽郡邑之加誌所以載山川之形勢風
俗之美惡人物之盛衰節氣之先後
星宿之次舍與夫古蹟寺觀天宮
物華不寧惟是又仁孝節義所以彰
徽徽於往昔垂鑒戒于來茲蓋與

廣昌縣誌

國史家乘為重而不可缺遺今觀風湖
俚者一開卷而燦若指掌廣昌之誌
書前之有委皆不可知惟於壬戌歲
秦之耀庫推知是邑為禮書往迎之
進城圖一幅憲綱一冊竊羨之曰何
書卷曰從來吾為竊訝而疑之是

地雖小猶是中土文獻之邦也何獨於誌
而無之無何至境謁

廟畢有鄉之縉紳暨耆衿未竭不佞起
而請曰斯亦擇教地也何無誌書諸公
齊聲唯曰原無有誌中有一客起而
對曰雲中自石晉蹂躪以來得失不常

曲籍教遠他不盡知即相近之靈臺亦
未有誌不佞竊自思曰此名闕與夫九事
有可舉焉必古今有此一郡之要典夫
豈異人任志何當吾世而令其久湮哉
惟於公餘徧詢左右又令詢之鄉賢士夫
夫邑之父老教月間得其大略叙成數牘

理不倫恐貽後人羞然渡津者必問之水
濱稽古者必考之之宿儒歎知一郡之實蹟
必求之本郡之文獻惟是執而廣之趙君
君即欣然以為已任器重考訂不數日而
書成焉復與學博吳君共較閱之又取本
庫孫真三生贊成焉此誌較之他郡多兩
後之君子

崇禎辛未歲菊月吉旦文林郎知廣昌
縣事知縣王韓劉世治謹識



邑之有志即

國之廣輿紀家之乘典至重也其所載山川
勝槩物華古蹟土俗民風其小者也至孝
旌忠褒節獎義昭激勸示不怠較

明庭華衮殆慕迥焉蓋其事乃耳目所觀
記故老所傳聞一經載籍觸目憬然撩撥

廣昌縣誌

心花興起懿好非他籍比其闕政治何如

故留心政本振勵鴻猷者又加意也廣昌縣
雖附邊關猶近內地且踞當衝要人文絡
繹邇觀涑源又是中都右臂以故風氣首
勁人多挺杰異能奇材代不乏人邑庶
君茂辰臘以廣文陟以涖茲土余亦承乏

校相與採訪芳華較閱人文眺覽佳勝竊
嘗自褒其彬蔚又見

劉君天資樸茂德厚政胤越明年百廢
俱興治績煌燦

巡方便已上其最于

當宁喬轉都計在且暮一日謂邑誌不修良


吏之闕乃屬之邑人士趙君諱文燿稿成以
示不佞校具命一言以弁其首余直述巔
末取激勸二義憇意

君侯顧君侯急付剗剔以垂來茲行見
吏治克風俗美用以備觀風者博採是則
余之志也是為序

音

崇禎四年朱明毅且廣昌縣儒學訓導

吳繼誠述于修業齋中



廣昌縣志

三

邑志小引

從古天子有玉牒列國有史郡邑
有志宗有譜家有乘遊有記事有
錄故海內凡城域疆里以洎各山
勝川洞天福地咸有簡策以傳其
一方之槩俾千載下得耳而目之
何處何事跡也我廣昌雖一邊陲
彈丸邑無它竒踪異事可以相傳
而一方風尚民物豈不可供博覽
君年以發一笑然苦於始創之遺
廢也後即欲補綴成刊恐於本來
面目添設絀點則後世讀志者亦
免有無知妄作之誚區區此心亦
祇與往事相去耳何幸

邑父母劉公號凝菴者以牧民課
士之暇相與接愚輩而切邑志之
觀蓋誠採風閭俗有古良牧勤行
勸課思焉然縣治之歷年考矣始
末詳記則難其間大畧可以相質
者亦何妨枚以叙之俾四方諸君
子亦知我廣昌為形方土方之所

三

不必棄云

崇禎五年冬十月邑人趙文耀撰

廣昌縣志目錄

縣境圖

縣城圖

縣治圖

廟學圖

地理志

建置志

職官志

學校志

選舉志

田賦志

人物志

廣昌縣志

災異志

藝文志

目錄終

廣昌縣總圖說
紫荊倒馬內衛

神京外聯雲朔扼秦晉之咽喉樹燕趙之屏翰
固屹然

畿輔之雄塞矣設守將經理諸隘誠得居重馭
輕之道也然人祇知兩關與所轄浮圖等口
為京夏內防殊不知廣昌接壤兩關三口四
塞焉固北有蔚州南山一帶魏險難行僅北
口與石門塔九宮永寧松子等口山峽可通

廣昌縣志

一

往來西與靈丘亦界連山險惟銀釵嶺湯河
塔槍鷹嶺一旅可扼其吭實為關隘外防也
慎外防正深慎內防首內防是棘而外防或
疎其不類於廢鍵垣門而圖嚴寢室之鑰者
罕矣今之君子其棘內防者將謂險可恃乎
疎外防者又將謂險可棄乎不則何上要害
疏者今日曰某處可守宜設官設兵明日曰
某處可修當發銀發糧曾未有言及廣昌為
兩關外藩勢相犄角况天險可據所謂一夫


當關萬卒莫開此其近之矣胡自先年調去
泰將而再不添兵防禦之也倘外垣不謹而
禍及蕭牆則升堂入室矣主人得安枕乎未
必不憂剝床之凶也其患有不可勝言者予
是有隱惕焉如關外防可棄而內防可恃昔
正統己巳之例取紫荊嘉靖庚子甲辰之間
三窺保定詎非恃險急防者之覆轍也哉矧
今值國家多難之際謹嚴莫此為甚擇要以
遏侵修政以保大正

廣昌縣志


二

當事者之所首務也此余深戒目于有封疆之
責者

廣昌縣城圖



廣昌縣治圖



典史宅

正宅

後堂

典史廳

正堂

衙

典史廳

庫

庫

架閣庫

三陽亭

公

監

儀門

廚房

大門

土地祠

明

閣

廣昌縣志卷之上

蜚狐趙文燿 纂修

金陵吳繼誠 編次

貢生李應龍

學生 孫翼聖 校正

冀象賢 採輯

地理志

廣昌地交直隸燕山陝雲谷緊連兩關三口誠咽喉要地也秦漢郡縣以來歷代興廢沿

廣昌縣志

華文獻莫可徵矣鄭漁仲曰州縣之設有時而更山川之形千古不易廣昌縣有涑水拒馬河白石山則其山川形勝土產風俗秩然可考也乃叙地理志

疆域

廣昌屬大同府蔚州東西廣一百一十里南

北袤一百五十里東至易州界草店橋六十里至易州治一百八十里

南至唐縣界石壽村九十里至唐縣治一百八十里西至靈丘縣界白楊舖五十里至靈

丘縣治九十里北至蔚州界魚石嶺六十里至蔚州治一百五十里西至本府三百六十里

里東北至宣府三百六十里西南至本州七
百里東北至順天府三百六十里南至應天
府陸路
三千

建華

廣昌為禹貢冀州之地唐夏屬冀州虞周屬
并州春秋時屬代國北狄居焉戰國時屬趙
國秦置廣昌縣屬代郡漢

高祖時名蓋狐縣東漢屬中山晉復屬代郡周
治五龍城隋仁壽屬易州唐初喬治易州之
遂城遷經屬蔚州五代時失河北為石晉所

廣昌縣誌

二

棄宋升蜚狐軍遼復為蜚狐縣金元俱因之
以其地東南涑水所出又名涑源郡至

國朝復改廣昌縣緣邑近北狄又置廣昌守禦
千戶所洪武年築磚城縣所分治葭關與城
相侔土堡城隸土谷關隸雲中縣編四里所
有十七堡舍余屯田本所軍餉縣屬山西大

同府蔚州所屬北直萬全都司嘉靖三十二年六月經

兵部侍郎即揚為議慶地方事宜以裨戎務事
與題廣昌改設將一員居中調度外為宣
大內蘇內為畿輔外捍戎去守備聽屬宣府
嶺為遵奉

勅諭經畧大同邊務事嘉靖三十七年二月
總督楊巡撫楊惇其題稱廣昌參將移
駐靈丘原額召募義勇礦兵只軍共三千名
馬三千匹原屬大同不必屬宣府廣昌照舊
設一守備廣昌潭源二守備悉聽參
將節制廣昌守備仍聽總宣府節制

分野

天文昴畢歷考天文諸說皆以冀北為昴畢
分野廣昌乃冀州之北境其分野
端在於昴畢信不誣矣又云上
候維主昴畢論配位亦土辰星

形勝

四山圍繞二水合流鄴食其說

漢高祖杜距蜚狐之口蓋謂此也東近紫荆南

廣昌縣誌

三

接倒馬俱未百里近而東隣浮圖峪南插箭
嶺僅三十里白石口二十里皆萬里長城金
湯天險

神京西關鎖鑰之地也夫兩關固係中都之雄
塞廣邑尤係兩關之肩背不啻唇齒相倚且
壯連宣大西通山陝又非二鎮之咽喉兩省
之血脉乎邑雖小邦悉四向通衢地多險阻
西如驛馬嶺北黑石嶺巉巖陡峻又北口峪
兩山壁立中通一路延四十余里東北蒼丸